

Makedonska komora za osiguranje osoba i imovine

Autor Magazin A&S Adria
Subota, 30 Siječanj 2010

Odluka da u prvom izdanju u 2010. godini predstavimo upravo Makedonsku komoru za osiguranje osoba i imovine, kroz našu izvrsnu saradnju s predstavnicima Komore, pokazala se kao sasvim opravdana i ispravna. Tekst pred vama nastao je uz podršku veoma ljubaznih i susretljivih kolega iz Makedonske komore, te zahvaljujemo informacijama koje smo o ovoj komori dobili direktno iz CoESS-a (Confederation of European Security Services).

Udruženja i nacionalne asocijacije zaštitarskih kompanija u evropskim zemljama tema su o kojoj smo, u nekoliko nastavaka, posvetili značajnu pažnju u vrijeme dok smo misiju promocije industrije zaštite i sigurnosti vršili putem magazina "Zaštita". Kroz desetak izdanja predstavili smo rad i rezultate najvećih evropskih nacionalnih zaštitarskih udruženja, poput britanske BSIA-e, irske ISIA-e, njemačkog BDWS-a, holandskog VPB-a, francuskih udruženja SNES, FEDESFI i USP i ostalih aktivnih članica Evropske konfederacije CoESS. Posebnom serijom tekstova predstavili smo aktivnosti, strukturu i rad same konfederacije CoESS, koja svojim aktivnim djelovanjem i podrškom nacionalnim, evropskim, ali i globalnim programima za prosperitet privatne zaštite za jedan sto okuplja sve relevantne partnere i subjekte evropske industrije sigurnosti.

U nekoliko narednih izdanja namjeravamo fokus interesiranja usmjeriti na Adriatic regiju, te predstaviti aktivnosti nacionalnih udruženja i asocijacija iz domena privatne zaštite ljudi i imovine s nama bliskih prostora. Odluka da u prvom izdanju u 2010. godini predstavimo upravo Makedonsku komoru za osiguranje osoba i imovine, kroz izvrsnu saradnju s predstavnicima Komore, pokazala se kao sasvim opravdana i ispravna. Tekst pred vama nastao je uz podršku veoma ljubaznih i susretljivih kolega iz Makedonske komore, te uz pomoć informacija koje smo o ovoj komori dobili direktno iz CoESS-a. Prije nego što se dublje dotaknemo primarne teme – sistema privatne zaštite u Republici Makedoniji i predstavljanja same Komore, spomenimo i nekoliko općih, ali svakako interesantnih činjenica koje će nam omogućiti da na ispravan način percipiramo uvjete i klimu u kojima je nastalo, egzistira i razvija se makedonsko zaštitarstvo.

Republika Makedonija

je zemlja površine 25.713 km² u jugoistočnom dijelu Evrope, s 2.061.315 stanovnika, koja je svoju nezavisnost od SFRJ stekla 8. septembra 1991. godine. Zbog spora oko imena s Grčkom, Makedonija je primljena u članstvo Ujedinjenih naroda pod imenom "Bivša Jugoslavenska Republika Makedonija" (BJRM). Republiku Makedoniju priznaje pod njenim ustavnim imenom 140 država članica UN-a, među kojima su tri članice Vijeća sigurnosti (SAD, Rusija i Kina), članice Evropske Unije: Poljska, Slovenija i Bugarska, te zemlje iz regiona: Bosna i Hercegovina, Hrvatska, Srbija i Crna Gora. S glavnim gradom Skopljem, makedonskim jezikom i vlastitom valutom – denarom (MKD), Makedonija je zemlja u industrijskom smislu okrenuta prehrambenoj i duhanskoj industriji te metalurgiji, što joj osigurava bruto nacionalni dohodak od oko 14 milijardi i 892,6 miliona eura (prema pokazateljima iz 2007. godine).

S osnovnim ciljem unapređenja struke i profesionalizma, te kreiranja sigurnog životnog ozračja za osobe i bolje sigurnosti za imovinu, 21. juna 2000. godine formirana je Makedonska komora za osiguranje osoba i imovine, čije djelovanje je uređeno Zakonom o osiguranju osoba i imovine (Službeni vijesnik na RM br. 80/99) i dopunskim aktima (Službeni vijesnik na RM br. 41/00). Sjedište Komore je u Skoplju.

Pored svoje osnovne djelatnosti, Komora uz primjenu odredbi sadržanih u navedenim aktima obavlja i djelatnost u domenu organiziranja specijaliziranih ispita sigurnosti, izdavanja licenci za rad na osiguranju osoba i imovine, te izdavanja identifikacionih kartica.

Struktura

Makedonske komore za osiguranje osoba i imovine obuhvata:

* Skupština

Komore kao njen najviši organ, sastavljen od ovlaštenih predstavnika pravnih lica koja obavljaju djelatnost pružanja usluga – sigurnosnih agencija i osoba koje obavljaju djelatnost za vlastite sigurnosne potrebe.

* Upravni

odbor u sastavu: predsjednik Tihomir Nikolovski i članovi: Dragan Staraevski, Slobodan Kuculovski, Jugoslav Arnaudov, Marko Babić, Zoran Jovanovski i Petar Hristovski;

* predsjednik

Komore: Tihomir Nikolovski;

*

Disciplinski odbor;

* Stručni

odbor;

* Nadzorni

odbor: predsjednik Sajmon Kolanoski.

Prema

podacima iz 2007. g., u Makedoniji je bilo registrirano oko 152 kompanije iz domena privatne sigurnosti, što potvrđuje i informacija iz Ministarstva unutrašnjih poslova, prema kojoj su licencu za ovu djelatnost posjedovale ukupno 152 kompanije. No, od toga broja tokom 2007. oko 65 kompanija nije aktivno poslovalo, 35 kompanija je poslovalo aktivno, ali nisu zadovoljavale legalne propise i zahtjeve, te 52 kompanije koje su poslovale aktivno i legalno, u skladu sa svim važećim zakonskim propisima.

Struktura

kompanija prema broju zaposlenih izgledala je ovako: 27 kompanija zapošljavalo je između 10 i 50 radnika, 20 kompanija je imalo po 20-ak zaposlenih, a pet kompanija je zapošljavalo od 100 do 500 radnika, što je pokazatelj da je u Makedoniji tokom 2007. posao u privatnoj zaštiti imalo oko 5.600 osoba, što predstavlja jednog zaštitara na 368 stanovnika. Makedonske kompanije koje posluju na tržištu privatne zaštite klijentima nude usluge iz domena euvarske službe, bodyguardinga, osiguranja komercijalnih, industrijskih i proizvodnih objekata, osiguranja zdravstvenih ustanova, osiguranja VIP-a, monitoringa alarmnih sistema, mobilnog patroliranja, instalacije alarmnih i CCTV sistema i sistema za automatsku vatrodojavu i protupožarnu zaštitu, elektronske zaštite proizvoda i kontrole pristupa, transporta novca i vrijednosnih predmeta, osiguranja novčarskih ustanova, sigurnosnog konsaltinga, procjene sigurnosnog rizika i sigurnosnog planiranja, te transporta i osiguranja turističkih grupa. Ovako širokim spektrom djelovanja osiguravaju sebi poslove kako kod domaćih privrednih subjekata, pravnih i fizičkih lica, tako i kod ambasada stranih zemalja i osiguranja delegacija, UN-ovih agencija, u finansijskom sektoru, ali i na osiguranju privatnih stambenih i poslovnih objekata. Prosječna mjesečna plaća uposlenika u sektoru privatne zaštite u Makedoniji iznosi 200-300 eura, što bi se moglo smatrati i prosjekom u gotovo svim zemljama Adriatic regije. Danas Makedonska komora za osiguranje osoba i imovine okuplja oko 40 kompanija, čiji su podaci za kontakt dostupni na ažurnoj i skladnoj internetskoj stranici Komore.

„Makedonska

komora za osiguranje osoba i imovine je, s ciljem promoviranja profesije radnika privatnog osiguranja i podizanja opće sigurnosne kulture, već dvije godine zaredom, u partnerstvu s MUP-om, organizator manifestacije „Dani privatne sigurnosti“. Pokrovitelj prve manifestacije tokom 2008. godine bila je Evropska konfederacija privatne zaštite CoESS, a manifestaciju je otvorila gospođa Hilde de Clerck, u ulozi generalnog sekretara CoESS-a. Ove godine pokroviteljstvu ove manifestacije su se priključile i ambasade Holandije, Slovenije i Austrije – informirala nas je Sanja Kermetievska iz Makedonske komore za osiguranje osoba i imovine.

„Manifestacija

je 2008. godine održana pod motom „Zajedno smo jedno“, a cilj joj je bio utjecati na svijest građana i pokazati kako u osiguranju zajedno rade i veoma usko sarađuju državne službe i privatne kompanije, tj., policija i uposlenici kompanija iz domena privatne zaštite. Predstavljeno je zajedništvo svih kompanija iz ovog domena s obzirom na iste ciljeve koji su postavljeni pred njih, ali i nepohodnost povezivanja svih društvenih subjekata na državnom, evropskom i globalnom nivou na platformi ideje o pružanju što višeg nivoa sigurnosti i življenja u sigurnijem okruženju, dodala je Kermetievska.

„Ovogodišnja manifestacija (2009. godine) je druga kampanja zaredom, a održana je pod motom „Profesionalno osiguranje – drugaèiji od drugih“, i cilj joj je bio da se javnosti prezentiramo kako je zanimanje u domenu privatne sigurnosti dostiglo znaèajan profesionalni nivo, te da su kompanije èlanice Komore drugaèije od drugih u pozitivnom smislu, da rade u skladu sa standardima, profesionalno i struèno. Ova kampanja traje èetiri sedmice. Prva sedmica je sedmica aktivnosti na nacionalnom planu, kada organiziramo nacionalne struène skupove, radionice, seminare na kojima se razmatra problematika od znaèaja za firme koje se bave privatnom sigurnosti. Ove godine je prvi put organiziran izbor najboljeg radnika u osiguranju na teritoriju Makedonije. Takoðer, organizirane su i sportske igre za radnike osiguranja i za prestavnike policije, i to u tri discipline: nogomet, odbojka i gaðanje pištoljem (za muškarce i žene). Druga je sedmica edukativnih sadržaja, kada se organiziraju predavanja i edukacije za mlaðu populaciju, kako bi im se prezentiralo šta je, zapravo, privatna sigurnost, šta je posao zaštitara, kakve zakonske ovlasti imaju zaštitari, te na koji naèin biti od pomoæi zaštitarskom osoblju. Ova predavanja, prilagoðena svim uzrastima, organizirana su za djecu najmlaðe dobi (u obdaništima), za djecu u osnovnim školama i za srednjoškole, meðu kojima svakako ima i potencijalnih budućih zaštitara. Za ovakva predavanja osigurana su odobrenja, ali i podrška od jedinica lokalnih samouprava, kao i od samih obdaništa i škola gdje se predavanja održavaju. Treæa sedmica je humanitarna sedmica i tada se tradicionalno organizira akcija dobrovoljnog darivanja krvi i donacije usluga osiguranja od strane agencija za osiguranje za klijente (obdaništa i škole), koje u svom redovnom radu još uvijek ne koriste usluge privatnog osiguranja i zaštite. Èetvrta je sedmica bila posveæena meðunarodnim aktivnostima i tokom nje je organizirana Meðunarodna konferencija za privatnu zaštitu, koja je nam je program ove bogate i znaèajne godišnje manifestacije Sanja Kermetievska.

Osim navedenih aktivnosti, Komora provodi i mnoge druge, koje nisu obavezne po Zakonu o osiguranju i koje nije nametnuo MUP ili država, veæ ih Komora provodi u interesu profesije i kompanija koje se njome bave. Ovdje spada publiciranje kataloga s agencijama za osiguranje koje rade u skladu sa Zakonom i koje su èlanice Komore (u cilju njihove promocije), a katalogi se dostavljaju velikim klijentima, ambasadama i sliènim institucijama.

Usto, Komora podržava publiciranje i razlièitih struènih knjiga, priručnika za ispite, zbirki propisa koji reguliraju problematiku privatne zaštite i sl.

U nastavku donosimo intervju s gospodinom Tihomirom Nikoloskim, predsjednikom Makedonske komore za osiguranje osoba i imovine. Gospodin Nikoloski je na naša pitanja odgovarao koncizno i jasno. Zaèinimo, stoga, ovaj tekst s još nekoliko informacija iz prve ruke i poželimo našim kolegama u Makedoniji mnogo uspjeha u godini koja je pred nama.

Cijeli èlanak proèitajte ovdje!